



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**S. Avrel. Avgvstini Confessionvm Libri X**

**Augustinus, Aurelius**

**Coloniae, 1646**

Cap. XV. Omnia Deus veritate sua, tanquam manu sua continet, ideoque omnia vera sunt, & convenientia.

**urn:nbn:de:hbz:466:1-10120**

## C A P. XV.

*Omnia Deus veritate sua, tanquam manu  
sua continet, ideoque omnia vera sunt,  
& convenientia.*

i. **E**t respexi alia, & vidi tibi debere, quia sunt. Et in te cuncta finita: sed aliter, non quasi in loco; sed quia tu es <sup>a</sup> omnitenens manu veritate. Et **b** omnia vera sunt, in quantum sunt: nec quicquam est falsitas, nisi cum putatur esse, quod non est. **c** Et vidi, quia non solum locis sua quæque suis convenient, sed etiam temporibus. Et quia tu, qui solus aeternus es, **d** non post innumerabilia spacia temporum cœpisti operari: quia omnia spacia temporum, & quæ præterierunt, & quæ præteribunt, nec abirent, nec venirent, nisi te operante, & manente.

## N O T A.

<sup>a</sup> *Omnitenens manu veritate*) Intelligo per veritatem, conceptionem divinam, quam ideam sive exemplar vocamus. Concepit enim Deus intra se, naturas omnium creaturarum, eaque conceptio est regula ac mensura creaturarum, quæ omnes sunt vera una prima veritate, cui unumquodque assimilatur secundum suam entitatem, ut ait S. Th. Quia vero <sup>i.p.q.16.</sup> Veritas Dei est practica (Deus enim per Ideam <sup>a.6.</sup> suam, & secundum illam operatur) recte vocatur manus, & quidem omnitenens. Est enim exemplar non solum aliquorum, sed omnium entium, quæ in Deo sunt, non tanquam in loco, sed tanquam in archetypo; quomodo domus est in mente architecti, imago in mente pictoris.

**b** *Omnia vera sunt, in quantum sunt*) quia ut sic, sunt conformia Idea divina, quæ est suprema regu-

la omnis naturæ ac essentiæ. Veritas autem consistit in conformitate rei, cum sua regula ac mensura.

- c Et vidi, quia non solum locis quaque suis, &c.) Intellexit S. D. bonitatem quoque rerum omnium, non minus quam veritatem à Deo provenire. Sicut enim omnis res dicitur vera, ex conformitate cum sua causa exemplari, ita dicitur bona ex congruentia cum sua causa finali. Deus autem est ultimus finis rerum omnium, ad quem cum omnia, sive bona sive mala, suis locis & temporibus convenientissime ordinentur: sequitur omnia bona esse, quia convenient semper cum fine ultimo, et si aliquando non convenient cum fine proximo. Sic monstrat quoque bona sunt, quæ eveniunt contra intentionem naturæ, non autem autoris naturæ.
- d Non post innumerabilia spatia temporum) nullum enim tempus erat, antequam Deus ficeret tempus, quod multis explicat infra.

I. II.

Attingit S. D. triplicem habitudinem, quam omnes res creatæ habent ad Deum, tanquam causam universalem. I. Efficientem, cui omnia debent suum esse. II. Exemplarem, respondent enim omnia veritati divinæ, tanquam suæ mensuræ. III. Finalem, ad Dei gloriam enim, tanquam finem suum omnia ordinantur. Hinc triplex oritur debitum. I. Gratitudinis, quia omnia à Deo accepimus. II. Puritatis conscientie, ne ab exemplari deficiamus ad peccatum. III. Rectæ intentionis, ut omnia referamus ad Dei gloriam, iste enim est finis noster.

## N O T Æ.

C A P.